

**УЛС ТӨР**

М.ЭНХБОЛД УУЛАНД АЛХАЖ,  
Х.БАТТУЛГА, С.ГАНБААТАР НАР ГҮЙВ  
**II нүүрт**

**ДЭЛХИЙ**

ФРАНЦЫН АРМИД АЛБА ХААЖ БАЙСАН  
МОНГОЛ ЦЭРЭГ АМЬ ҮРЭГДЖЭЭ  
**IV нүүрт**

**Улаанбаатарт: ӨНӨӨДӨР**



Өдөр +19  
Шөнө +2

Дугаарын **60** мөр

ҮЗЭЛ БОДОЛ

Монгол төгрөгөө  
хайрлахсан

Б.СУМЬЯА

Махны гэж нэрлэгддэг “Хүчит шонхор” зах дотор байрлах банкны орлого, зарлага хийх боломжтой экспресс бэлэн мөнгөний машины эд, анги бүхэлдээ тос, өөх болсон байдаг тухай нэг найз минь хуучиллаа. Өөрөө банкинд ажилладаг хүн л дээ. Тэр ч үүднээс их эмзэглэнгүй ярьсан юм. Өмнө нь тус захад экспресс бэлэн мөнгөний машин байдаггүй, махны худалдаа эрхлэгчид ихэвчлэн ганц байрлах банкинд дугаарлан үйлчлүүлдэг байжээ. Харин АТМ-ыг байршуулснаас хойш түүгээр үйлчлүүлэх болсон хэрэг. Гэхдээ асуудал үүнд биш. Худалдагчид гараа хамгаалахын тулд ихэвчлэн нэг удаагийн бээлий өмсдөг гэнэ. Түүнд нь махны өөх тос наалдчихдаг бөгөөд иргэдийн өгсөн мөнгийг өнөөх махны цус нөж болсон бээлийтэй гараараа авна.

Түүнийгээ банкны дансандаа хийхдээ АТМ-аар дамжуулна.  
**Үргэлжлэл нь III нүүрт**

## СУРТАЛЧИЛГААТАЙ ХОЛБООТОЙ ЗААЛТ ХЭРЭГЖИХГҮЙ ЮМ УУ

**ӨНӨӨДӨР МОНГОЛЧУУД БОДИТ БУС, ХИЙМЭЛ ЕРТӨНЦӨД ӨӨРСДИЙН СОНГОЛТООР БИШ, БУСДЫН СОНГОЛТООР ЯГ Л ФЕРМД ХАШУУЛСАН ГАХАЙ, ТАХИА ШИГ АМЬДАРЧ БАЙНА.**

УИХ гишүүн АСАН С.ГАНБААТАР

**Женко ялвал муу юм юу ч болохгүй. Энхболд ялвал сайн юм юу ч болохгүй. Босоо ялвал юу ч болохгүй.**

**Үргэлжлэл нь III нүүрт**

**ЧУУЛГАНЫ ТАНХИМААС**

### Хар тамхи хэрэглэдэг, түүнээс хамааралтай 1100 иргэн байна гэв

Б.ТОГТОХ

УИХ-ын чуулганы баасан гарагийн хуралдааны эхэнд өнгөрөгч долоо хоногийн даваа гарагт УИХ-ын даргад өргөн мэдүүлсэн Ард нийтийн санал асуулга явуулах тухай хуульд өөрчлөлт оруулах хуулийн төслийг хэлэлцээ. Энэ хуулийн нэмэлт өөрчлөлтийг УИХ-ын гишүүн, БОАЖ-ын сайд Д.Оюунхорол УИХ-ын даргад өргөн мэдүүлсэн билээ. Тодруулбал, хуульд ард нийтийн санал асуулга явуулах хугацааг 65 хоногийн өмнө зарлана хэмээн тусгачихсан. Гэтэл Ерөнхийлөгчийн сонгуультай хамт явуулах гэхээр 40 хоногийн хугацаа үлдсэн учраас хуульд нэмэлт өөрчлөлт оруулж, хугацааг багасгах шаардлага

тулгарсан учраас энэ төслийг өргөн мэдүүлсэн хэмээн юм. Тэгвэл баасан гарагийн чуулганд энэ асуудлыг ЗГХЭГ-ын дарга Ж.Мөнхбат танилцуулж, дээрх үндэслэлээр өөрчлөлт оруулахаар өөр аргагүйд хүрснийг онцоллоо. Үндсэн хуульд өөрчлөлт оруулах асуудлаар зөвлөлдөх санал асуулга явуулж, улмаар Төрийн ордонд үндсэн зургаан сэдвийн хүрээнд хэлэлцүүлэг өрнүүлсэн бөгөөд дээрх хэлэлцүүлгээс гарсан зөвлөмжийн хүрээнд өөрчлөлт оруулах асуудлыг Ерөнхийлөгчийн сонгуультай хамт явуулбал хэмнэлт гарна гэж үзжээ. Хууль санаачлагчийн танилцуулгын дараа нэр бүхий гишүүд асуулт асууж, хариулт авав.

**Үргэлжлэл нь II нүүрт**

**ОНЦЛОХ МЭДЭЭ**

### Цалингийн зээлийн хүүг 18 хувь болгон буурууллаа

Хөдөлмөр, нийгмийн хамгааллын сайд Н.Номтойбаяр өнгөрсөн баасан гарагт хэвлэлийнхэнд хандаж мэдээлэл хийв. Тэрбээр, төрийн өмчит сургууль цэцэрлэгийн эмч, багш нарын цалингийн зээлийн хүүг бууруулж, шимтгэлгүй болгосон талаар болон Даатгуулагчийг урьдчилан сэргийлэх, эрт илрүүлэх үзлэг, оношилгоо, шинжилгээнд хамруулах, Урьдчилан сэргийлэх, эрт илрүүлэх үзлэг оношилгоо, шинжилгээний зардалд хөнгөлөлт үзүүлэх талаар сэтгүүлчдэд мэдээлэл өгсөн юм. Тодруулбал, манай улсад иргэд цалингийн зээлийг жилийн 21-23 хувийн хүүтэй авдаг байна. Тиймээс ХНХЯ, ЭМДЦГ-аас төрийн өмчийн сургууль, цэцэрлэгийн багш, эмнэлгийн эмч, ажилтнуудын цалингийн зээлийн хүүг бууруулах, шимтгэлийг



Гэрэл зургийг Г.АРГУУЖИН

тэглэх талаар ХААН банк болон Төрийн банкт хамтран ажиллах гэрээг байгуулжээ. Тус гэрээ байгуулагдсанаар 91.373 эмч, багш, ажилтнууд цалингийн зээлийг 18 хувийн хүүтэй авах боломж бүрдэж байгаа гэнэ. Мөн зээл хүсэгч нь нийгмийн даатгалын шимтгэлийг таван жилээс доошгүй, сүүлийн 12 сард тасралтгүй төлсөн байх ёстой бөгөөд зээлийн дүн нь зургаан сарын цалингаас хэтрэхгүй байх аж. Хэрэв үүнээс өндөр дүнгээр зээл авахыг хүсвэл банк өөрийн эх үүсвэрээс дотоод нөхцийнхөө журмаар зээл олгохоор болжээ.

## ЕРӨНХИЙ ЗОРИУЛАЛТЫН АГААРЫН ТЭЭВРИЙН ӨДӨРЛӨГТ УРЬЖ БАЙНА

**ЕРӨНХИЙ ЗОРИУЛАЛТЫН АГААРЫН ТЭЭВЭР - 2017**

Хаана: “SkyFriends” аэродром  
**Хэзээ: 2017/05/21**

Ерөнхий ивээн тэтгэгч:  
**ARD ДААГАЛ КОМПАНИ**

Монгол Улсад нисэх хүчин үүсч хөгжсөний 92, Иргэний нисэхийн Ерөнхий газар үүсэн байгуулагдсаны 60 жилийн ойн хүрээнд “Ерөнхий зориулалтын агаарын тээвэр-2017” өдөрлөг 2017 оны 5 дугаар сарын 21-ний өдөр Налайх дүүрэгт байрлах “Sky friends” аэродромд болно. Зам, тээврийн хөгжлийн яамны үүднээс 5 дугаар сарын 21-ний өглөө 10:00 цагт автобус үнэгүй явна. Өдөрлөг сонирхсон хүн бүхэнд нээлттэй.

**SKY FRIENDS аэродромын байршил**  
2017.05.21-нд Зам, тээврийн хөгжлийн яамны гадна зогсоол дээрээс SKY FRIENDS аэродромруу нийтэд үйлчлэх унаа 10:00 цагт хөдөлнө. Холбоо барих утас: 99021188, 99192283



**Лавлах утас: 99021188, 99192283**

ХААН банк				Худалгаа хөгжлийн банк				
	Авах	Зарах		Авах	Зарах		Авах	Зарах
АМ.ДОЛЛАР	2415.00	2424.00	ФУНТ	3102.00	3189.00	АМ.ДОЛЛАР	2415.00	2426.00
ЕВРО	2664.00	2726.00	РУБЛЬ	41.40	43.40	ЕВРО	2650.00	2751.00
ИЕН	21.58	21.85	ЮАНЬ	349.50	352.50	ИЕН	21.25	22.14
						ФУНТ	3091.00	3206.00
						РУБЛЬ	40.22	45.48
						ЮАНЬ	350.00	352.90

Өчигдрийн 19.00 цагийн байдлаар



# ҮЗЭЛ БОДОЛ

Дугаарын **60** мөр

Монгол төгрөгөө хайрлахсан

Үргэлжлэл.  
Түрүүч нь I нүүрт

# СУРТАЛЧИЛГААТАЙ ХОЛБООТОЙ ЗААЛТ ХЭРЭГЖИХГҮЙ ЮМ УУ

Ч.ЧУЛУУН

Монгол Улсын Ерөнхийлөгчийн ээлжит сонгууль ирэх сарын 26-нд болно. УИХ-д суудал бүхий гурван нам тодруулбал, МАН-аас Ерөнхийлөгчийн сонгуульд намын дарга, УИХ-ын дарга М.Энхболд, АН-аас УИХ-ын гишүүн асан Х.Баттулга нар нэр дэвшсэн. Харин гурав дахь хүчин болох МАХН-аас намын дарга Н.Энхбаярыг дэвшүүлсэн авч СЕХ ял шийтгэлийнх нь хугацаа дуусаагүй тул нэр дэвших боломжгүй гэж хариуг өгснөөр хэсэгтээ л дуулиан шуугиан боллоо. Тусгаар тогтнолын ордоноос эхэлсэн МАХН-ын шүтэлтэй жагсаал төрийн байгууллагын албан өрөөнд дайрч орох гэсэн тэмцэл болон хувирсан нь саяхных. Гэвч үнэн хэзээд ялдаг хойно МАХН-ынхан бууж өгч улмаар С.Ганбаатар гэгчид намынхаа нэрийг түрээслүүлсэн билээ. Гурван намын нэр дэвшигч эцэслэн шийдэгдэж, үнэмлэх авах эрх нь бүрдчихсэн. Тэдгээрийн үнэмлэхийг энэ сарын 24-нд СЕХ албан ёсоор олгохоо мэдэгдсэн билээ. СЕХ бүртгэж, үнэмлэх олголоо гээд асуудал дуусахгүй. Нэр дэвшигч өөрийн сурталчилгааг, мөрийн хөтөлбөрөө албан ёсоор танилцуулах хугацаа ирэх зургадугаар сарын 05-наас


...Сонгуулийн тухай хуулийн 68.2-т “Ерөнхийлөгчийн сонгуульд нэр дэвшигч нь сонгуулийн сурталчилгааг санал авах өдрөөс 20 хоногийн өмнө эхлүүлж санал авах өдрөөс нэг хоногийн өмнө дуусгана” гэж заачихсан. Гэтэл эдгээр нөхдүүд намын Бага хурлын босго давсныгаа нэр дэвших эрх хэмээн ойлгосон бололтой. Түүнчлэн дээр дурдсанчлан цахим ертөнцийг ашиглах тухайд ч Сонгуулийн тухай хуульд “70.1.6.хэвлэл мэдээллийн хэрэгсэл, цахим орон зай, мессеж ашиглан улс төрийн чансаа тогтоох зорилго бүхий аливаа хэлбэрийн шалгаруулалт зохион байгуулах, бусдыг гүтгэн доромжлох, хуурамч мэдээлэл тараах хориотой” гэж хэнд ч ойлгогдохоор заачихсан юм билээ...

эхлэх учиртай. Харамсалтай нь нэр дэвшигчид болон түүний ар талд ажиллаж байгаа нөхдүүд мөлтөө сурталчилгаагаа хэдийнэ хийгээд эхэлчихжээ. Хаана л олныг хамарсан уралдаан тэмцээн болно гэнд оччихсон нэр зүсийг нь ой санамжаасаа арчиж орхисон эртний анд нөхөр, танил талаа гэнэт олж харсан дүр эсгэцгээж гэвэрч үнсэн сүйд болцгоох юм. Бас телевизүүд тухайн нэр дэвшигчийн хэдэн жилийн өмнө орж байсан нэвтрүүлгийг амралтын өдрүүдээр цацаж, тал алдахгүйг хичээж байгаа нь хэнд ч илхэн байна. Зарим нь бүтэн өдөржин шахуу телевизийн эфирээр нэвтрүүлэг хөтлөн өөрийгөө сурталчилж, тун гэмгүй аргаар хууль зөрчсөн нь худлаа биш. Ээжийгээ, эхнэрийгээ нэвтрүүлэгт оруулж, дунд нь өөрийгөө хавчуулахаа ч мартаггүй байгаа юм. Р.Бурмаа нарын гишүүдийн боловсруулж батлуулсан хууль хэчнээн олон цорхойтой байсныг энэ удаагийн Ерөнхийлөгчийн сонгуулийн ил далд сурталчилгаа хангалттай харуулж байна. Сонин, телевизийн өргөн нэвтрүүлгийн цаг хугацаа, хэвлэлтэд анхаарснаас биш социал орчин,

цаашлаад цахим сайтуудыг үл тоосон хуулийн цоорхойг зарим нэр дэвшигч тун ч овжин ашиглаж байгаа юм. Тухайн нэр дэвшигчийн пиарыг хийхээр гэрээ байгуулсан сайтууд социал ертөнцийн хууль эрх зүйн орчин сул байгааг далимдуулан боломжит бүхий л хувилбаруудыг ашиглан нэр дэвшигчээ сурталчлах ажилдаа орцгоожээ. Үзэл бодлоо илэрхийлсэн нэрийн дор илтэд сурталчилгаа хийж байгаа. Эгэл иргэдийн үгийг дамжуулж байгаа нэрээр нэр дэвшигчийг магтан дуулах хуудас хэдэн арваар нь нээчихээд өрсөлдөгчөө намнах ажлаа улайран хийцгээж байх юм. Өмнө нь хэзээ ч ил гаргаж байгаагүй зургийн цомгоо дэлгэн залуу халуун насны зургаа тавьж, гэр бүлээ танилцуулан, энд тэнд амарч, салхиж яваа зургаа оруулан гэр бүлсэг хүн болж жүжиглэх нь ичгэвтэр. Үүний нөгөө талд дэмжигч клубын нөхдүүд өрсөлдөгч нараа газар доогуур ортол нь элдвээр доромжилж, цусгүйгээр алацгааж эхэллээ. Тухайлбал, МАН-аас нэр дэвшиж буй М.Энхболдын талаар “М.Энхболдын хувьд өнгөрсөн сонгуулиар намаа ялалтад хүргэсэн гавьяатай хүн. Намаа ялалтад хүргэхэд түүний нөлөө их ч улстөрчийн хувьд нэр цэвэр эсэх нь эргэлзээтэй. М.Энхболд Нийслэлийн засаг даргаар 1999– 2005 онд, Монгол Улсын Ерөнхий сайдаар 2006-2007 онд, 2005-2007 онд МАХН-ын дарга, 2008 онд Шадар сайдаар ажиллаж байсан. Түүнийг Нийслэлийн засаг дарга байхдаа олж авсан газрын наймааны “автор” өнөөдрийг хүртэл дагаж явдаг. Нийслэлийн Засаг даргаар Миеэгомбын Энхболд ажиллаж байх үед хотын төвийн ашигтай байршилтай газрууд эзэнтэй болж, тэр хэрээр газрын наймаа өргөжсөн. М.Энхболд бол төрөөс төрсөн тэрбумтан” гэх мэтээр түүнийг онцолсон сөрөг сурталчилгаа цахим орчинд тун хурдацтай хийгдэж байх аж. Х.Баттулгын тухайд гэвэл, Ерөнхийлөгчийн сонгуулийн тухай ямар байр суурьтай байгаагаа илэрхийлэлгүй,

удтал шийрэгнэсэн УИХ-ын гишүүн асан, Монголын Ардчилсан Холбооны дарга Х.Баттулга Монгол Улсын Ерөнхийлөгчийн сонгуульд өрсөлдөхөөр болсон. Зураач, тамирчин, наймаачин хийж явсан Женко Х.Баттулга 1990 оны зах зээлийн давалгаанаас хамгийн их хожсон хүн гэж үргэлжлүүлэх жишээний. Харин “Фэнг Шүй”, “босоо” гэх тодотголтой С.Ганбаатарын тухайд тэрбээр өнгөрсөн гуравдугаар сарын сүүлчээс “Надад нэг төлөвлөгөө байна” лекцээрээ улс төрд орон зайгаа хадгалах хүсэлтэй байгаагаа илэрхийлсэн гэж хэлж болно. Ер нь түүний мөнгө төлж ажиллуулдаг дэмжигчдийн хуудас маш сайн ажиллаж буй юм билээ. Монгол босно гэх мэтээр мөрийн хөтөлбөрийг нь тавихаас л наагуур илт сурталчилгаа хийгээд эхэлчихсэн. С.Ганбаатарыг онцолсон сөрөг сурталчилгаа мөн л боловсролгүй, популист, нам дамжсан худалч, хийрхэгч гэх мэтээр үргэлжилж байх аж. Мөн 2013 онд “PLAY-BOY” сэтгүүлд өгсөн “Би 30 хүртлээ дандаа секс боддог” гэх ярилцлагыг нь саяхан дахин нийтэлсэн нь түүнийг харуулах гэсэн мессеж үү, эсвэл магтах гэсэн оролдлого уу гэдгийг ялгаж салгахад бэрх. Уншигч авхай та телевизийн мэдээ, цаашлаад твиттер хуудас, иргэдийн фэйсбүүк, цахим сайтуудын мэдээллийг тун гярхай ажиглаарай. 2016 оны өмнөх сонгуулийн дүр төрхийг сануулж буй юм шиг боловч Ерөнхийлөгчийн сонгуульд боловсролтой хүнийг дэвшүүлэх тухай далд

утгатай сурталчилгаа саяхнаас телевиз болгоны оргил цагаар үзэгчдэд хүрч эхэлсэн байна. Нэр дэвшигчийн боловсролтой боловсролгүйн тухай нийтлэл юм шиг боловч шууд утгаараа гүтгэсэн, доромжилсон мэдээллийг ч тэд хийцгээж эхэллээ. Гүйж харайснаа ил тод зарлаж, телевизийн камер хүртэл дуудчихаад сэлфи хийж байгаа нь шууд утгаараа сурталчилгаа гэдгийг бид ялгаад байх юм. Гэтэл үүнд хяналт тавих учиртай Харилцаа холбооны зохицуулах газар, СЕХ олж харгахгүй баймааргүй. Сонгуулийн тухай хуулийн 68.2-т “Ерөнхийлөгчийн сонгуульд нэр дэвшигч нь сонгуулийн сурталчилгааг санал авах өдрөөс 20 хоногийн өмнө эхлүүлж санал авах өдрөөс нэг хоногийн өмнө дуусгана” гэж заачихсан. Гэтэл эдгээр нөхдүүд намын Бага хурлын босго давсныгаа нэр дэвших эрх хэмээн ойлгосон бололтой. Түүнчлэн дээр дурдсанчлан цахим ертөнцийг ашиглах тухайд ч Сонгуулийн тухай хуульд “70.1.6.хэвлэл мэдээллийн хэрэгсэл, цахим орон зай, мессеж ашиглан улс төрийн чансаа тогтоох зорилго бүхий аливаа хэлбэрийн шалгаруулалт зохион байгуулах, бусдыг гүтгэн доромжлох, хуурамч мэдээлэл тараах хориотой” гэж хэнд ч ойлгогдохоор заачихсан юм билээ. Энэ хуулийг хэрэгжүүлэхийг нэр дэвшигчид болон түүний багийнхнаас шаардвал яадаг юм бэ. Бид чинь хуультай, журамтай улс байлтай. Эсвэл Сонгуулийн хууль үйлчлэхээ больсон гээд ил тод зарлачихвал яадаг юм бэ.



## ӨНӨӨДРИЙН ТОП ИШЛЭЛ



УИХ-ын гишүүн  
У. Намдорж

“Ydayydeei daeaa OEO-aan aadnai  
oeaaaydeea oydaya; eyda; e aaeia, i oo  
ayy OEOai ayayy eioann oiedni oey  
oOaeai ayaaey. Ayyd iu iaany oOeeei  
oO-e-oDeea AdoiDeee-a-eei ni iaOoeuOae  
aaaoOoeae naiae aOoeaaad Oeeayde; ey y  
ayae oOeeaa aieei. Aaydeaa pi aaeia  
oo, ai ai ia z. iaany oOeeei oO-e-o  
Deeo oOoeae o-i-oi aeey yduae aaeia.  
Oada iaeOae iu, ni iaOoeuOae aaaoOoeae  
ada ieeDeei naiae aOoeaa ayayy yada  
aaadaai Deeo ayuyi i di eaei ai oi d aaou  
oaaaaa yaaaaae aaeia.”

Гэрэл зургийг А.АРТУУЖИН









# STRESS

ОНЦЛОХ ҮЙЛ ЯВДАЛ



## Ийм сайхан өдөр олон байлаасай

Н.БАТЗАЯА

Ийм сайхан өдөр олон байгаасай. Бороо зөөлөн шивэрсэн энэ өдөр хүн бүр их хотын төв гудамжинд сэтгэл амар, тайван гэгч нь алхаж, энхрий бяцхан үрс нь энд тэндгүй хөөцөлдөн гүйдэж их хот ёстой л амилсан мэт санагдана. Ойрын хэдэн өдөр хаврын хавсарга шороонд нүдүүлсэн иргэд дээрээс дуслуа бороо ч үл ажран үр хүүхдүүдтэйгээ цагийг хөгжилтэй өнгөрүүлэхээр тэмүүлж байлаа. “Хаанаас машин ирээд мөргөчих бол, машины түгжрэлд хэдэн цаг гацах бол, агаарын бохирдол хүүхдэд хортой” хэмээн айж, хоргон гэртээ нуугдан суух хүн ч байсангүй. Бүгд л гэр бүл, найз нөхдөрөө сэтгэл амар, их хотын төв гудамжаар зугаалж, нэгэн өдрийг үр бүтээлтэй өнгөрүүлээ. Энэ бол автомашингүй өдрийн нэгэн сайхан зураглал. Дэлхийн томоохон хотууд “Автомашингүй өдөр”-ийг жил бүр тэмдэглэн өнгөрүүлдэг уламжлалтай. Манай улс ч тус өдрийг өргөн дэлгэр тэмдэглэн өнгөрүүлдэг билээ. Жил ирэх тусам цар хүрээ нь нэмэгдэж буй уг өдрийн нээлттэй үйл ажиллагаанд УИХ-ын гишүүн Д.Цогтбаатар, БСШУС-ын дэд сайд Ё.Отгонбаяр, Засгийн газрын хэрэгжүүлэгч агентлаг Биеийн тамир, спортын газрын дарга Ц.Шаравжамц

болон бусад албаныхан оролцов. Мөн энэ үеэр нэгэн онцлох үйл явдал болсон нь “Улаанбаатар марафон” олон улсын тэмцээн байлаа. Тус тэмцээнийг гүйлтгийн спортыг Монгол Улсад хөгжүүлэх, гүйлтээр хичээллэгч, сонирхогч иргэдийн тоог нэмэгдүүлэх, өсвөр, залуу үеийнхэнд өөрийн дотоод нөөц боломжийг нээж, зорилгодоо хүрэх тэсвэр хатуужил, бие бялдрын болон оюун санааны өв тэгш хүмүүжлийг төлөвшүүлэх, иргэдийг өдөр тутмын биеийн тамираар хичээллэх идэвх санаачлагыг дэмжих зорилгоор дөрөв дөх жилдээ амжилттай зохион байгуулав. Энэ удаагийн гүйлтгийн тэмцээнд ОХУ, БНХАУ, Япон, БНСУ, Кени зэрэг улсын тамирчдаас гадна Монгол Улсад ажиллаж амьдарч байгаа ОХУ, БНХАУ, Япон, БНСУ, Кени, Их Британи, АНУ, БНГУ, Казакстан, Чех, Австрали, Унгар, Канад, Филиппин, Шинэ Зеланд, Франц, Монгол зэрэг 17 орны ЭСЯ-ны гадаадын ажилтан, тэдгээрийн гэр бүлийнхэн оролцжээ. Энэ удаагийн тэмцээний 21 км-ийн зайд МУГТ, Олон улсын хэмжээний мастер Б.Сэр-Од, 42 мянган метрийн зайд Кени улсын тамирчин Силлас К.Санг тэргүүлсэн. Харин хоёрдугаар байрт “Хилчин” спорт хорооны тамирчин Н.Мөнхбаяр, гуравдугаар байрт “Ацдар” спорт хорооны тамирчин Ц.Бямбажав нар орсон юм. Мөн эмэгтэйчүүдийн

42 км-ийн зайд Хөнгөн атлетикийн олон улсын хэмжээний мастер, үндэсний шигшээ багийн тамирчин Б.Мөнхзаяа, хоёрдугаар байрт ОУХМ Ч.Шинэцэцэг, гуравдугаар байрт ОУХМ Ц.Санжидмаа нар тэргүүлжээ. Дашрамд сонирхуулахад, “Улаанбаатар марафон” олон улсын гүйлтэд оролцогчдын тоо жилээс жилд өсөн нэмэгдэж байгаа гэнэ. Тодруулбал, 2014 онд 16839, 2015 онд 18085, 2016 онд гадна, дотно сонирхогч, дэлхийд танигдсан нэртэй тамирчид тэргүүтэй 27 мянга гаруй хүн оролцсон бол энэ жил 33 мянган хүн гүйж, дээд амжилт тогтоолоо. Мөн “Автомашингүй өдөр”-т оролцсон иргэд гэр бүл найз нөхдөрөө нэг өдөр ч болтугай автомашин, гар утас, телевизээс холдож, сэтгэл амар их хотын гудамжаар зугаалах өдөр олон байгаасай гэж саналыг дэвшүүлж байв. Мөн энэхүү өдрийг жилд ганц удаа гэлтгүй улиралд нэг удаа зохион байгуулах хэрэгтэй гэж нэгэн ч байсан юм. Их хотод түгжрэлээс эхлээд бухимдах зүйл олон. Үүнээс болж гэр бүлээрээ цагийг хөгжилтэй өнгөрүүлэх төлөвлөгөө нь хүмүүсийн уур бухимдалд уусан бүтэлгүйтдэг ч байж мэдэх юм. Тиймээс түгжрэлгүй, айх аюулгүй, эрүүл, тав тухтай орчинг нийслэлчүүдэд бэлэглэсэн ийм сайхан өдөр олон байгаасай.

Гэр бүлийн гэрээлэлт

Улаанбаатарт:

Маргааш  
 Өдөр 23  
 Шөнө 4  
 Нөгөөдөр  
 Өдөр 28  
 Шөнө 8

### Өдрийн зурхай

ХАВРЫН АДАГ ХӨХ ЛУУ САР ДӨРВӨН НОГООН МЭНГЭТЭЙ ШАРАГЧИН ТАХИА ӨДӨР

Наран ургах шингэх: 05.06-20.32  
Үс засуулбал: Жаргал үргэлжид ирнэ




Тухайн өдөр нохой, хонь жилтнээ аливаа үйлийг хийхэд эерэг сайн. Эл өдөр насны хүч дэлгэрнэ. Эт найруулах, угаал үйлдэх, бэр авах, насны авиш, насны бүтээл хийх зан үйл хийгээд төрөл садан болоох, худалдаа найтааны үйлнээ сайн болой. Баруун нүд татвал эд олох, баруун чих хангинавал айлишг болох, зүүн чих жингэнэвэл жуулчин ирэх, хэрээ дуугарвал зочин ирэх, тагнай загатанал алгалан болох, бие татвал эцэг эх цочих, хөл татвал тэтгэл болно. Өдрийн сайн цаг нь хулгана, бар, туулай, морь, хонь, тахиа болой.

### Бидэнд тохиолдсон

Хүндхэн хөгтэй явдлууд

### Ц. Болдшандас

Аав ээж маань Солонгост ирлээ. Захирал эхнэртэйгээ хүүлэж аваад маханд орлоо доо. Монгол ч үгүй Солонгос ч үгүй баахан хэлгүй дада нар дунд би орчуулагч хийгээд хэцүү kkk. Хэдэн сөжү мулталсны дараа аав "миний хүү орчуулаарай аав нь нэг хундаганы үг хэлье" гэдэг байгаа. Тэгээд аавын ерөөлийг би "Канбэй" (төлөө) гэж л орчуулсан даа kkk



## УЛАМЖЛАЛТ АНАГААХ УХААНЫ "ГАНЗҮҮ" ЭМНЭЛЭГ

Манай эмнэлэг дотор 5 цуа, 6 сав эрхтэний өвчлөлийг уламжлалт анагаах ухааны таван заслын аргаар эмчилж, 80-аас дээш хувьтай үр дүн үзүүлдэг.

**Бид танад:**

- Ган болон мөнгөн зүү, шалхалаан зүү
- Хануур, сам соруул
- Шарлага
- Бумба төвшнө засал
- Халуун чулуу, лавсан халуун жин засал
- Эмчилгээний цэгэн барил
- Архи, сүү, сүүлэн тостой бүтэн биеийн барил зэрэг уламжлалт анагаах ухааны эмчилгээ үйлчилгээ, мэдрэл, харшил, хүүхэд, эмэгтэйчүүдийн оношлогоо эмчилгээг цогцоор нь хийж үйлчилнэ.

**ЭРҮҮЛ МЭНДИЙН ЧАНАРТАЙ ТУСЛАМЖ ҮЙЛЧИЛГЭЭГ БИД ҮЗҮҮЛНЭ**  
Холбогдох утас: 9999-5584 9900-2332

Салбар 1 хаяг: Найрсаг Улаанбаатар их дэлгүүрийн баруун талд "Ганзүү" эмнэлэг /Өдрийн эмчилгээ/

Салбар 2 хаяг: III хороолол, 28 дугаар сургуулийн баруун талд "Ганзүү" эмнэлэг /Хэвтүүлэн эмчилнэ/